

Vnd an der sele. dez helfe vns d
 vater vnd s. **Die dritze predi**
Humna nostra sicut palge vō
 ser crepta est de dum lagen.
 laqueo uenancium. Vnser
 sele sint enbunden von dem stric
 ke der iagende als der spaz vñ
 dem netze. Also lieret man hute
 in der heilige messe von den he
 ligen martelern. Die sich durch
 die liebe vnser herren ließen
 marteln. daz sie die ewigē firen
 de beselzen. vnd hat ir martel
 nu ein ende. aber ir freude ge
 winnet niemer mer kein ende.
 Vnd da von singent nu mit freu
 den. Vnser sele sint enbunden von
 dem stricke der iagenden. als der
 spaz vñ dem netze. Wann die wi
 le da sie in dieser werlte warn.
 da mußte sie sorge haben. daz sie
 iht struchten in die stricke der
 iagenden. Die iagenden daz sint
 die tufel die heiszent wol iager.
 wann sie iagent manig tulent
 sele daz ir niemer rat wirt. Vñ
 habent dar vf alle ir liste geril
 tet. wie sie den menschen ver
 leiten. daz er die freude vñ
 he die sie vloin haben. vnd sie
 wolten halte destet gerner grozer
 martel liden. daz der mensche
 mit in der freuden ane were vñ
 die selben martel müsten liden.
 die sie da liden müßen. vnd dar
 vmb so habent sie vns ir stricke
 an so manigen enden gelen. daz
 sich litzel reman dar von behüte
 kan. Sie legent stricke vnsern
 augen vnsern füßen vnd vnsern
 henden. vnsern hant an vnser
 worten vnsern werken. Sie le

gent stricke an die straze an
 die yfart vnd an die inyart.
 vnserm essen vnserm trincken.
 vnserm slafen vnserm wachen.
 wann sie habent anders nilt
 zu schaffen. Sie sorgent wed vmb
 spise noch vmb gewant noch
 vmb hmelrich. noch vmb nilt
 dann wie sie den menschen vñ
 leiten. Sie legent vns stricke vñ
 lage wann ir stricke vnd lage
 vil sint. daz sich nieman mit der
 zal dar vñ verhten magt. So wil
 ich nich doch etteliche sagen. wann
 ir ist mer dann staubes in d sin
 nen. vnd da von wil ich nich von
 ir lage sagen. Die lage die vns
 die lage hant geleet. daz sint
 die gemeinsten vnd die schete
 lichesten do sie der werlte aller
 meiste mit vahent. vnd da von
 han ich willen zu sprechen. bidet
 alle vnsern herren got. **et.**
 Vnser sele sint enbunden vñ
 stricke der iagenden als der spaz
 vñ dem netze. Also sie lieret mā
 hute von den martelern. daz sie
 von der werlte stricke got selber
 hat erloset. wann sie sich da ir
 gerne behuten mit manig grozer
 arbeit. vnd mit manigem
 grozer wider striten. vnd mit ma
 niger grozer ane veltunge. die
 sie heten von den stricken dez tu
 tel. vnd hant in allen an gesti
 get biz daz ir sele nu ist enbunde.
 vnd ir marter hat nu ein ende.
 vnd den worten daz ir auch en
 bunden werdet von allen den
 stricken vnd von allen den lage
 die sie vns mit uren listen hant
 geleet vnd alle tage legent. Alle